

UGOVOR

o osiguranju nepokretne imovine, lica, opreme i službenih vozila u 2017.godini

1. **Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen - obilježja žrtava genocida**, ul. Širokac 22, Sarajevo, koga zastupa direktor Nurudin Džiho, dipl.pravnik (u daljem tekstu: **Ugovorni organ**)
i
2. **«SARAJEVO OSIGURANJE» d.d.**, ul. Maršala Tita br. 29, Sarajevo, koga zastupa direktor Kulić Arif, dipl.pravnik (u daljem tekstu: **Dobavljač**)

Član 1.

Ugovorne strane su saglasne da je predmet ovog Ugovora pružanje usluga osiguranja nepokretne imovine, lica, opreme i službenih vozila Fonda memorijala na period osiguranja kako slijedi:

1. osiguranje imovine od 28.02.2017.godine do 28.02.2018.godine,
2. osiguranje lica od 01.03.2017.godine do 01.03.2018.godine,
3. osiguranje od odgovornosti iz djelatnosti od 28.02.2017. godine do 28.02.2018.godine,
4. osiguranje za vrijeme prevoza i prenosa novca od 28.02.2017. do 28.02.2018.godine
5. osiguranje službenih vozila (autoodgovornost):
 - Škoda Octavia Elegance,
 - Škoda Fabia,
 - Škoda Octavia Ambienca,
 - Renault trafic,

Redovno osiguranje će se vršiti po isteku važećih polica.

- 5.1. osiguranje službenih vozila (autokasko):
 - Škoda Octavia Elegance od 28.02.2017.godine do 28.02.2018.godine,
 - Škoda Fabia od 28.02.2017.godine do 28.02.2018.godine,
 - Škoda Octavia Ambienca od 28.02.2017. godine do 28.02.2018.godine
 - Renault trafic od 28.02.2017. godine do 28.02.2018.godine.
 6. osiguranje novca u manipulaciji od 28.02.2017. godine do 28.02.2018.godine
 7. osiguranje novca u sefu od 28.02.2017. godine do 28.02.2018.godine
- a sve prema Ponudi br.01-313/17 od 17.02.2017.godine, koja je sastavni dio ovoga ugovora.

Član 2.

Ugovorne strane su saglasne da osiguranje imovine uključuje:

I Osiguranje od opasnosti požara i nekih drugih opasnosti pruža osiguravajuću zaštitu od slijedećih osnovnih rizika:

- požara i udara groma,
- eksplozije,
- oluje,
- grada (tuče),
- udara sopstvenog motornog vozila i sopstvene radne mašine u osigurani objekat,
- pada vazdušne letjelice, manifestacija i demonstracija

Predmet osiguranja je:

- građevinski objekti (Upravna zgrada Širokac na br. 22 i br. 20, Kompleks Tunel spasa D-B kuća Kolar, Objekat za video prezentaciju na butmirskoj strani kompleksa Tunel spasa D-B, Objekat amfiteatar i auditorijum) čija je suma osiguranja 6.496.338,00 KM;
- oprema unutar objekta Fonda memorijala ul.Širokac broj 20 i 22, Objekat Amfiteatar i auditorijum, Kompleks Tunel spasa – kuća Kolar (kancelarijski namještaj, računarska oprema, oprema za prenos podataka i glasa, elektronska oprema, mašine za održavanje mezarja i spomen obilježja, mašine za održavanje i brojač novca, oprema za video nadzor – monitoring soba, muzejska postavka-ekspozicije) čija je suma osiguranja 406.556,00 KM;
- tehnička oprema van objekata Fonda memorijala (oprema za video-nadzor, kamere sa instalacijama, informacioni sistem) čija je suma osiguranja 232.700,00 KM.

Ugovorne strane su saglasne da godišnja premija za ovu vrstu osiguranja iznosi 849,93 KM

Imovina objekta na lokaciji ratna džamija na planini Igman (nepokretna i pokretna) čija je suma osiguranja 145.000,00 KM

Ugovorne strane su saglasne da godišnja premija za ovu vrstu osiguranja iznosi 15,57 KM

Član 3.

II Osiguranje od opasnosti provalne krađe i razbojništva na „ prvi rizik“ pruža slijedeću zaštitu:

- od rizika pokušaja ili izvršenja provalne krađe ili razbojništva,
- vandalizam na osiguranim stvarima u toku izvršenja provalne krađe.

Predmet osiguranja je :

- tehnička oprema unutar svih objekata Fonda memorijala čija je suma osiguranja 20.000,00 KM.
- tehnička oprema van objekata Fonda memorijala čija je suma osiguranja 50.000,00 KM

Ugovorne strane su saglasne da godišnja premija za ovu vrstu osiguranja iznosi 570,90 KM.

III Osiguranje mašina od loma

- tehnička oprema van objekata Fonda memorijala čija je suma osiguranja 232.700,00 KM

Ugovorne strane su saglasne da godišnja premija za ovu vrstu osiguranja iznosi 324,40 KM.

IV Osiguranje odgovornosti iz djelatnosti

- djelatnosti za štetu pričinjenu trećim licima, stvarima i osobama po jednom štetnom događaju do 50.000,00KM

Ugovorne strane su saglasne da godišnja premija za ovu vrstu osiguranja iznosi 150,00 KM.

V osiguranje za vrijeme prevoza i prenosa novca

- prenos i prijevoz novca od objekta Tunel spasa D-B, ulica Tuneli broj 1 do poslovne banke i brnuto do 10.000,00 KM

Ugovorne strane su saglasne da godišnja premija za ovu vrstu osiguranja iznosi 100,00 KM

VI osiguranje novca za vrijeme manipulacije od opasnosti provalne krađe i razbojništva

- osiguranje novca za vrijeme manipulacije od rizika razbojništva na lokaciji Spomenički kompleks „Tunel D-B“

Ugovorne strane su saglasne da godišnja premija za ovu vrstu osiguranja iznosi 29,10 KM.

VII osiguranje novca u sefu od opasnosti provalne krađe i razbojništva

- osiguranje novca u sefu od rizika pljačke, provalne krađe i razbojništva na lokaciji Spomenički kompleks „Tunel D-B“

Ugovorne strane su saglasne da godišnja premija za ovu vrstu osiguranja iznosi 46,50 KM.

Član 4.

Ugovorne strane su saglasne da osiguranje lica uključuje kolektivno osiguranje zaposlenika Fonda memorijala kojim su obuhvaćeni rizici: smrti usljed bolesti (prirodna smrt), smrt usljed nesretnog slučaja, posljedice trajnog invaliditeta, dnevna naknada (prolazna nesposobnost za rad) i troškovi liječenja zbog posljedica nesretnog slučaja.

Osiguranje zaposlenika traje neprekidno svih 24 sata, što znači da je zaposlenik pokriven osiguranjem kako na radnom mjestu tako i van radnog mjesta (na ulici kao pješak ili u sredstvima javnog prevoza, na godišnjem odmoru, rekreaciji i sl.). Pod istim uslovima mogu se osigurati i članovi uže obitelji zaposlenika (bračni drug i djeca preko 14 godina).

Osigurana suma za slučaj smrti usljed

- bolesti	5.000,00 KM
- nezgode	75.000,00 KM
- invaliditet	150.000,00 KM
- dnevna naknada za liječenje	20,00 KM
- troškovi liječenja do	50.000,00 KM

Ugovorne strane su saglasne da je mjesečna premija po zaposleniku 5,90 KM, a godišnja premija 70,80 KM.

Član 5.

Osiguranje stupa na snagu prvog u narednom mjesecu po dostavljanju odluke o zaključivanju ugovora o osiguranju.

Kod povrede zaposlenika, zbog angažovanja ljekara specijalista kao stalnih saradnika, bez zastoja objektivno i stručno po završenom liječenju utvrđuju se posljedice povrede i u skladu sa njihovom težinom odmah se isplaćuje dio od osigurane sume ugovorene za potpuni invaliditet (100%)

Član 6.

Ugovorne strane su saglasne da osiguranje službenih vozila Fonda memorijala uključuje uslugu osiguranja od automobilske odgovornosti i auto kasko, kao i besplatna pomoć pri registraciji za sva vozila.

Ugovorne strane su saglasne da su besplatne usluge registracije za sva vozila Ugovornog organa.

Član 7.

Osiguranje motornih vozila od autoodgovornosti

- | | | |
|--------------------------|---------------------------|-----------|
| - ŠKODA OCTAVIA Elegance | premija osiguranja iznosi | 350,50 KM |
| - ŠKODA FABIA | premija osiguranja iznosi | 267,50 KM |
| - ŠKODA OCTAVIA Ambiece | | 293,50 KM |
| - RENAULT TRAFIC | | 293,50 KM |

Ukupno premija autodgovornosti za službena vozila Fonda memorijala iznosi 1.205,00 KM

Član 8.

Kasko osiguranje motornih vozila nudi kasko osiguranje slijedećih rizika:

- sudara, udara, prevrnuća, iskliznuća, survavanja, pada ili udara nekog predmeta,
- zapaljenja, požara, udara groma, eksplozije,
- krađe, provalne krađe, otimačine,
- sniježne lavine, zemljotresa, oluje, pada vazdušnih letjelica svih vrsta,
- manifestacija i demonstracija, zlonamjernih postupaka ili obijesti trećih lica.

Član 9.

Kasko osiguranje motornih vozila :

- | | | |
|--------------------------|--------------------|-----------|
| - ŠKODA OCTAVIA Elegance | premija osiguranja | 434,69 KM |
| - ŠKODA FABIA | premija osiguranja | 218,90 KM |
| - ŠKODA OCTAVIA Ambiece | | 313,50 KM |
| - RENAULT TRAFIC | | 412,34 KM |

Ukupno premija kasko osiguranja za službena vozila Fonda memorijala iznosi 1.379,43 KM.

Rekapitulacija:

Ukupno autokasko i autodgovornost za sva službena vozila Fonda memorijala iznosi 2.584,43 KM.

Ukupna premija osiguranja za osiguranje imovine, lica i službenih vozila iznosi 9.622,03 KM.

Član 10.

Osiguravajuće pokriće po osnovu kasko osiguranja vrijedi za vrijeme dok se vozilo nalazi na teritoriji Bosne i Hercegovine i ostalih članica «Zelene karte».

Član 11.

Premija osiguranja plaćaće se u jednakim mjesečnim ratama, osim osiguranja od autoodgovornosti koja se plaća po zakonu, odmah po ispostavljanju polica.

Član 12.

Sve izmjene i dopune ovog Ugovora mogu biti samo u pismenoj formi ovjerene i potpisane od strane ovlaštenih zastupnika ugovorenih strana.

Član 13.

O raskidu ovog Ugovora ugovorne strane su dužne izvršiti obavjest o istom najmanje 30 (trideset) dana unaprijed, osim ako se ne radi o težim povredama ovog Ugovora. Raskidom ovog Ugovora ne prestaje odgovornost ka izmirenju prethodno ugovorenih i pruženih usluga i obaveza.

Član 14.

Sve eventualne sporove ugovorne strane će rješavati dogovorno, u suprotnom mjesno i stvarno nadležan je sud u Sarajevu.

Član 15.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA UGOVORNI ORGAN

DIREKTOR
Nurudin Džihović, dipl. pravnik



Broj: 13-14-02-53/17
Sarajevo, 02.03.2017.godine

ZA DOBAVLJAČA
DIREKTOR

Kulić Arif, dipl. pravnik



Broj: 02-214/17
Sarajevo, 06.03.2017.